




安徽通志

ル 5  
1575  
5



1675  
5



重修安徽通志卷十四

輿地志

星野

周禮保章氏以星土辨九州之地所封之域皆有分星國語謂歲之所在為周分野此星野之說所由昉與遷固書志本於星經晉志有州郡躔次李氏法象志又以唐之州縣配十二次度數明史采錄清類天文分野書其說詳矣安徽古隸揚州自斗至女為星紀分屬吳越而界於徐豫者則在降婁大火之次為魯宋分至各宿躔次之不同二道距度之各異歷代占候言人殊恭讀

御定儀象考成至為詳核觀天文以察地理布度定記分州繫象可推步而知也舊志本采江南通志之文今仍之述輿地志星野

重修安徽通志 卷十四 輿地志 星野

星紀吳越也降婁魯也大火宋也周禮保章氏注

自氏五度至尾九度為大火於辰在卯宋之分野屬豫州自南

斗十二度至須女七度為星紀於辰在丑吳越之分野屬揚州

自奎五度至胃六度為降婁於辰在戌魯之分野屬徐州晉書天文

地理志同

奎婁降婁也初奎二度餘千二百一十七秒十七少中婁一度

終胃三度自蛇邱肥城南屆鉅野東達梁父循岱岳眾山之陽

以負東海又濱泗水經方與沛畱彭城東至於呂梁乃東南抵

淮竝淮水而東盡徐夷之地氏房心大火也初氏二度餘千四

百一十九秒五太中房二度終尾六度自雍邱襄邑小黃而東

循濟陰界於齊魯右泗水達於呂梁乃東南接太昊之墟盡漢

濟陰山陽楚國豐沛之地斗牽牛星紀也初南斗九度餘千四

十二秒十二太中南斗二十四度終女四度自廬江九江負淮

水南盡臨淮廣陵至於東海又逾南河得漢丹陽會稽豫章唐書

天文志 舊唐書志略同

斗牛在丑屬吳越分揚州奎婁在戌屬魯分兗州氏房心在卯

屬宋分徐州明清類天文分野書 按星野分配郡國諸史亦

隋志以譙郡屬豫州以彭城豐沛屬徐州唐志以楚國豐沛皆

為大火之次與漢志合又史漢俱以房心為豫州奎婁為徐州

清類天文分野書謂宋得徐州之地為多遂改

大火為徐州今考宋地實在徐豫二州之境也

以上十二次分野之說

二十八舍主十二州 角亢氏兗州房心豫州斗江湖牽牛婺

女揚州奎婁胃徐州史記天官書 漢書天文志同

魯地奎婁之分野也東至東海南有泗水至淮得臨淮之下相

睢陵鐘取慮皆魯分也宋地房心之分野也今之沛梁楚山陽

濟陰東平及東郡之須昌壽張皆宋分也吳地斗分野也今之

會稽九江丹陽豫章廬江廣陵六安臨淮郡盡吳分也漢書地理志

房心宋豫州潁川入房一度汝南入房二度沛郡入房四度梁

國入房五度楚國入房四度斗牽牛須女吳越揚州九江入斗

一度廬江入斗六度丹陽入斗十六度臨淮入牛四度廣陵入

牛八度泗水入女一度六安入女六度奎婁胃魯徐州東海入

奎一度晉書天文志

奎為大澤在陬訾下流當鉅野之東陽至於淮泗婁胃之墟東

北負山蓋中國膏腴地百穀之所阜也商亳負北河陽氣之所

升也為心分豐沛負南河陽氣之所布也為房分南斗在雲漢

下流當淮海間為吳分唐書天文志

南斗六星魁天梁也南星者魁星也石申曰魁第一主吳二

會稽三丹陽四豫章五廬江六九江宋史天文志

斗牛吳越分野奎婁魯分野房心宋分野明清類天文分野書

斗三度至女一度星紀之次也直隸所屬之太平甯國池州徽

州廣德州鳳陽府壽滁六安三州盱眙天長二縣廬州府無為

州安慶府和州皆分斗奎二度至胃三度降婁之次也直隸所

屬之泗州五河虹懷遠三縣皆奎婁分軫十度至氏一度壽星

之次也直隸所屬之霍邱縣為角亢氏分氏二度至尾二度大

火之次也直隸所屬之潁州房分宿州蒙城縣亳縣皆房心分

明史天文志

以上二十八舍分野之說

自斗十二度至婺女七度為星紀自奎五度至胃六度為降婁

自氏五度至尾九度為大火漢劉歆三統曆

自斗十度至女五度為星紀自氏十一度至尾八度為大火自

奎二度至婁九度為降婁漢費說周易

自壁八度至胃一度為降婁自亢八度至尾四度為大火自斗

六度至女二度為星紀後漢蔡邕月令章句

自斗十一度至婺女七度為星紀其降婁大火距度俱同三統

後漢皇甫謐帝王世紀

自斗一度至牛五度為星紀自壁三度至婁八度為降婁自亢

三度至心四度為大火北魏李業興正光曆

自奎二度餘千二百一十七秒十七少至胃三度為降婁自氏

二度餘千四百一十九秒五太至尾六度為大火自斗九度餘

千四十二秒十三太至女四度為星紀唐一行大衍曆

自奎三度半至胃五度半為降婁自氏三度少至尾八度為未

火自斗九度至女六度為星紀宋黃居卿元祐觀天曆

自奎一度三十七分二十五秒至胃四度十九分十五秒為降

婁自氏一度七十四分五十一秒至尾三度八十六分六十四

秒為大火自斗四度三十五分九十二秒至女二度九十五分

七秒為星紀宋陽忠輔紹熙統天曆

自奎二度三十五分八十五秒外至胃四度二十四分三十三

秒為降婁自氏一度七十七分七十七秒外至尾三度九十七

分七十二秒為大火自斗四度三十六分六十六秒至女二度

九十一分九十一秒為星紀元耶律楚材西征庚午元曆

自奎一度七十二分六十三秒至胃三度七十四分五十六秒

為降婁自氏一度一十四分五十二秒至尾三度一分一十五

秒為大火自斗二度七十六分八十五秒至女二度六分三十

八秒為星紀元許衡郭守敬授時歷

自斗三度至女一度為星紀自奎二度至胃二度為降婁自氏

二度至尾二度為大火明清類天文分野書

以上各次距度之不同

漢洛下閎所測氏十二度房五度心五度斗二十六度及分牛

八度女十二度奎十六度婁十二度胃十四度舊志

唐一行所測斗二十六度無分餘同漢舊志

宋皇祐所測氏十六度心六度斗二十五度牛七度女十一度

胃十五度餘同漢 元豐所測房六度餘同皇祐 崇甯所測

房五度太心六度少牛七度少女十一度少奎十六度半餘同

皇祐舊志

元至元所測氏十六度三十分房五度六十分心六度五十分

斗二十五度二十分牛七度二十分女十一度三十五分奎十

六度六十分婁十一度八十分胃十五度六十分舊志

赤道宿度角十一度四十四分亢九度一十九分氏十六度四

十一分房五度二十八分心六度零九分斗二十四度二十四

分牛六度五十分女十一度零七分奎十四度三十分婁十二

度零四分胃十五度四十五分明史天文志

以上各舍赤道距度之不同

氏十六度房五度心五度斗二十四度四分度之一牛七度女

十一度奎十七度婁十二度胃十五度宋史天文志 漢承元銅儀

氏十六度房五度心五度斗二十四度牛七度女十一度半奎

十七度婁十三度胃十五度隋劉焯皇極書

氏十五度太房五度心四度太斗二十三度半牛七度半女十

一度少奎十七度半婁十二度太胃十四度太唐一行  
氏十六度少房五度太心六度斗二十三度牛七度女十一度  
奎十八度婁十二度太胃十五度宋紀元歷  
氏十六度少房五度太心六度斗二十二度牛七度女十一度  
奎十七度太婁十二度胃十五度金趙知微書  
氏十六度四十分房五度四十八分心六度二十七分斗二十  
三度四十七分牛六度九十分女十一度一十二分奎十七度  
八十七分婁十二度三十六分胃十五度八十一分元授時歷  
黃道宿度角十度三十五分亢十度四十分氏十七度五十四  
分房四度四十六分心七度三十三分斗二十三度五十一分  
牛七度四十一分女十一度三十九分奎十一度二十九分婁  
十三度胃十三度零一分明史天文志

以上各舍黃道距度之不同

吳楚之疆候在熒惑宋鄭之疆候在歲星

史記天官書

歲星主徐州熒惑主揚州鎮星主豫州

續漢書天文志注

歲星主齊吳熒惑主楚吳越以南

晉書天文志

歲星主徐青兗熒惑主揚荆交州填星主豫州

宋史天文志按此上以五星

言分

二十八舍主十二州斗秉兼之

史記天官書周禮疏辨九州之地者據北斗而言春秋文

耀鉤北斗七星兗州屬機星徐揚二州屬權星豫州屬搖星

玉衡第一星主徐州以五子日候之甲子為東海丙子為琅琊

戊子為彭城庚子為下邳壬子為廣陵第六星主揚州以五巳

日候之乙巳為豫章辛巳為丹陽己巳為廬江丁巳為吳郡會

稽癸巳為九江第七星為豫州以五午日候之甲午為潁川壬

午為梁國丙午為汝南戊午為沛國庚午為魯國續漢書天文志注

北斗七星一主秦二主楚三主梁四主吳五主燕六主趙七主

齊晉書天文志

北斗第一星曰天樞其分為秦漢志主徐州第四星曰權其分

為吳漢志主荆州第六星曰闔陽其分為趙漢志主揚州第七

星曰搖光其分為齊漢志主豫州宋史天文志按此

吳楚之疆占於烏衡史記天官書鳥者南宮七宿衡者太微

按此以四七宿言分野

五車者五帝車舍也五帝坐也西北大星曰天庫主大白主秦

次東北星曰獄主辰星主燕趙次東星曰天倉主歲星主魯衛

次東南星曰司空主填星主楚次西南星曰卿星主熒惑主魏

五星有變皆以其所主占之晉書天文志隋志宋志皆同言楚則吳越在其中

九坎東列星北一星曰齊齊北二星曰趙趙北一星曰鄭鄭北

一星曰越越東二星曰周周東南北列二星曰秦秦南二星曰

代代西一星曰晉晉北一星曰韓韓北一星曰魏魏西一星曰

楚楚南一星曰燕其星有變各以其國占之隋書天文志宋志同又引陶隱居

云越一星在婺女南并舉楚越則吳在其中

三台六星上台上星主兗豫下星主荆揚中台上星主梁雍下

星主冀下台上星主青下星主徐宋史天文志

天市垣二十二星在氏房心尾箕斗內宮之內東藩十一星南

一曰宋四曰東海五曰徐六曰吳越按此上以中外宮星言分野

丙丁江淮海岱也史記天官書

丙楚酉魯戊吳越漢書天文志按此上以時日支干言分野

以上雜占分野之不同

星野	直隸州	州	縣
星野	安慶府	懷甯	桐城
吳分	徽州府	歙	休甯
揚州	甯國府	宣城	涇
之域	池州府	貴池	青陽
	太平府	當塗	蕪湖
	廬州府	無為	繁昌
	鳳陽府	壽州	廬江
	滁州	鳳陽	舒城
	和州	全椒	定遠
	廣德州	含山	鳳臺
	六安州	建平	巢
		英山	霍山

降	禹貢	泗州	盱眙	天長
分	徐州	泗州	懷遠	
之	域	泗州	五河	
大	宋分	泗州	靈璧	
火	禹貢	泗州	阜陽	
之	域	泗州	穎上	
		泗州	霍邱	
		泗州	太和	
		泗州	蒙城	
		泗州	渦陽	

附葉燮江南星野辨見張潮刊昭代叢書中

考天文江南星野所屬江南大半為古吳地未嘗錯越境吳越連壤而中分上古必連舉吳越而吳越壤地僅得古揚州之半而不足吳又揚之一隅而不足也然歷代言星野見之史志者類統舉揚州未嘗歧吳越於揚而言之也又每統舉吳越未嘗

歧吳於越言之也卽獨舉夫吳又未嘗一一分晰某郡爲某星某度而言之也乃志星野者每以一郡當古揚州之稱又以一星分屬錯出揚州之一邑其間言辰次者統而不分言星次者該而不晰言躔度者錯而無準竊怪乎其言人人殊也今先敘其統舉揚州者言之周禮保章氏注斗牛女揚州吳澄曰星紀揚州之星土星紀者辰次在丑其星斗牛女也史記牽牛婺女揚州而斗稱江湖是說稍異也正義云南斗牽牛爲揚州漢志牽牛婺女揚州斗南三度後漢書玉衡者斗九星也第六星主揚州蔡邕云揚州起斗六度晉志自南斗十二度至須女七度爲星紀於辰在丑吳越分野屬揚州元志星紀之次揚州之分凡此皆統舉夫古之揚州而言其次者也其統言夫吳越者爾雅及史記正義云南斗牽牛吳越分野後漢郡國志斗十一度

至婺女七度一名須女爲星紀之次斗建在子今吳越分野晉志斗牽牛須女爲吳越揚州蔡邕分星次起斗六度至須女二度爲星紀爲吳越分星費直謂斗十度至須女五度爲星紀皇甫謐謂星紀自斗十一度至女七度爲吳越分隋志與謐言合京房張衡則云吳越會稽揚州入牛一度魏陳卓云自南斗十二度至須女七度爲星紀吳越分野屬揚州宋天文志天市東南第六星曰吳越又云吳越當斗須女之分元志自斗四度入吳越分星紀之次凡此者言度數不同而言星紀言斗牛女則同然皆統舉夫吳越而終歸於揚州以言之者也其專指吳而言者爾雅星紀斗牽牛吳分野漢志吳地斗分野淮南天文志須女爲吳石氏星經云星斗七其杓上衡下爲權主吳分野劉向云吳地斗分野越地牛女分野唐志南斗在雲漢下流當淮

海間為吳分凡此皆專指吳而言或言斗為吳或言須女為吳劉向則別指牛女為越分而不混吳於越者也然則言揚州言吳越言吳俱概舉之而未嘗晰其界攷之史志間言某地某郡而可以古準今者如漢書志吳地斗分野會稽九江丹陽豫章廬江廣陵六安臨淮皆吳地準諸今除會稽之半及九江豫章非江南地餘皆今日江南也後漢天文志注引星經云玉衡第六星主揚州嘗以五巳日候之辛巳主丹陽晉志范蠡鬼谷張良諸葛亮譙周京房張衡陳卓竝言斗牽牛須女吳越揚州廬江入斗六度丹陽入斗十六度臨淮入斗四度廣陵入斗八度泗水入女一度六安入女六度亦皆今日江南地也唐志揚楚滁和廬壽舒為星紀分則今日江南境未全也唐一行次分野南斗牽牛星紀之次丑初起斗九度終女四度自廬江九江盡淮南

廣陵東海又逾南河得漢丹陽郡自會稽以至百粵皆星紀分南斗皆在雲漢之流淮海之間為吳分是言星紀所該者廣而斗專主於吳也宋史淮西路徐揚之域而揚為多當南斗須女之分又云南斗六星南星魁星也石申云魁一主吳二會稽三丹陽四豫章五廬江六九江凡此皆言星紀之分於揚於吳越於吳而各指當時列郡以表之及於今之兩浙江西界者也今考江南各志為府十四為州四其西南則不盡古揚州與古吳越於北則錯出揚州而入古徐豫之境其在星紀斗牛女之分為古揚州地者為府十有二江甯蘇州松江常州鎮江揚州安慶徽州甯國池州太平廬州為州三滁和廣德其跨古徐豫揚之境而錯分斗牛女房心奎婁之星兼居星紀大火降婁之次者為府二淮安鳳陽其間屬斗者為府之州一曰鳳陽之壽州

重刊安海通志 卷十四  
爲縣九曰淮安之山陽清河安東鳳陽之鳳陽臨淮定遠霍邱  
盱眙天長屬女者爲府之州一淮安之海州爲縣二淮安之沐  
陽贛榆屬牛女之間者爲縣一淮安之鹽城屬房心者爲州一  
徐州爲府之州二鳳陽之潁州亳州爲縣四淮安之桃源睢甯  
鳳陽之潁上太和屬奎婁者爲府之州三淮安之邳州鳳陽之  
泗州宿州爲縣六曰淮安之宿遷鳳陽之懷遠五河虹縣蒙城  
靈璧大約淮鳳兩府各州縣分屬之星野歷代史志竝無畫疆  
可據之文後代各因其地之界而爲之分次其界於吳者卽屬  
以吳之星其北界於豫之宋徐之魯者卽屬以宋與魯之星蓋  
奎婁爲魯分野房心爲宋分野其分疆之錯出卽其分星之錯  
出也至於府十二之屬星紀者大概屬斗度者多然歷代天官  
家論度者頗參錯不同若曰必以某度屬某府無論古來論度

之起與至之數各家紛紛無定卽定矣又安能以府州縣之境  
尺寸而畫之與垂象者脗合不爽毫釐乎故唐一行有兩戒山  
河之論其法用春秋十二國以定分野而不必係之方隅諸家  
頗推其說元郭守敬於天文律歷之學極精詳於分野獨略而  
不言但推太陽黃道十二次入宮宿度係之十二國分亦一行  
之說也守敬極推隋唐之言天者且云後有作者無以尙之然  
則星野之分雖智若守敬亦不能舍是而立說然一行之論又  
似泛濫而不可稽惟明劉文成基清類天文於郡邑分度爲極  
詳亦不知何所本而一一不爽若是歟張潮曰志地輿者必及  
分野然從未聞繪之爲圖也自河南通省志有星野之圖克當  
上意天下遂咸遵其式江南星野圖頗爲精妙但所載七家異同尙未  
條分縷晰今讀此篇洵可謂無微不至矣

意天下...  
前令...  
公...  
...

重修安徽通志卷十五

輿地志

疆域

郡縣之天下與封建之天下異周禮大司徒之職凡建邦國以土圭正其地而制其域大司馬九畿之籍自國畿而外侯甸采衛皆以方五百里為率經界正而後分田制祿定此封建時疆域之制耳郡縣則統於一尊原無畛域特分疆而理所以專責成也安徽地跨大江南北各府州縣蕃布星羅歷代建置沿革及我

朝因時制宜廬鳳潁六泗等府州屬改析增設別立為表茲仿圖經專詳四至八到與夫廣袤之數增修舊文述輿地志疆域

安徽全省

安徽巡撫治安慶府布政使司統轄八府五直隸州安慶之東為池州府甯國府廣德州其東南為徽州府其東北為太平府和滁泗等州其北為廬州府六安州廬州府之北為鳳陽府六安州之北為潁州府東南至浙江界西南至江西界西至湖北界東北至江蘇界西北至河南界

舊志闕此條今依江南通志例增修

安慶府

由府治上至

京師二千七百里至兩江總督治五百四十里

東至廬州府無為州界一百九十里

西至湖北蘄州界三百里

南越江至池州府東流縣界五里

北至廬州府舒城縣界一百八十里

東南至池州府界五十里

西南至江西九江府界三百八十里

東北至廬州府界二百十里

西北至六安州界二百八十里

東西距四百九十里 南北距一百八十五里

轄縣六附郭為懷甯北之東一百二十里為桐城西之北一百二十里為潛山西北二百二十里為太湖西二百六十里為宿松西南一百二十里為望江

懷甯縣

東至樅陽鎮桐城縣界六十里

西至赭陂橋太湖縣界一百三十里

南越江至雁汊池州府東流縣界五里

北至練潭桐城縣界六十里

東南至池州府貴池縣界五十里

西南至望江縣界九十里

東北至桐城縣界三十里

西北至潛山縣界九十里

東西距一百九十里 南北距六十五里

桐城縣

東至廬州府無為州界七十里

西至小河沿堡潛山縣界六十里

南至杏花村懷甯縣界九十里

北至北峽關廬州府舒城縣界六十里

東南至池州府貴池縣界一百八十里

西南至懷甯縣界九十里

東北至廬州府廬江縣界五十里

西北至廬州府舒城縣界四十里

東西距一百三十里 南北距一百五十里

潛山縣

東至粟米衝桐城縣界七十里

西至黃泥港太湖縣界四十里

南至懷甯縣界四十里

北至廬州府舒城縣界一百四十里

東南至懷甯縣界十里

西南至太湖縣界三十里

東北至桐城縣界六十里

西北至六安州界一百六十里  
東西距一百一十里 南北距一百八十里

太湖縣

東至黃泥港潛山縣界六十里  
西至湖北蘄州桃花寨蘄州界八十里  
南至師長河宿松縣界四十里  
北至青峯嶺潛山縣界六十里  
東南至望江縣界六十里  
西南至宿松縣界十五里  
東北至潛山縣界四十五里  
西北至六安州英山縣界一百八十里  
東西距一百四十里 南北距一百里

宿松縣

東至賁家嶺望江縣界一百二十里  
西至梅子寨湖北黃梅縣界三十里  
南至涇江司江西湖口縣界一百二十里  
北至師長河太湖縣界五十里  
東南至江西彭澤縣界一百二十里  
西南至湖北黃梅縣界二十里  
東北至太湖縣界七十里  
西北至湖北蘄州界八十里  
東西距一百五十里 南北距一百七十里

望江縣

東至洲頭口汎懷甯縣界七十里

西至南池宿松縣界三十里

南至蛾眉洲江西彭澤縣界十五里

北至皖口懷甯縣界一百五里

東南至香口鎮池州府東流縣界三十里

西南至揚灣宿松縣界三十里

東北至懷甯縣界六十里

西北至太湖縣界七十里

東西距一百里 南北距一百二十里

徽州府

在省治東南五百七十里由府治上至

京師二千八百五十里至兩江總督治七百二十里

東至浙江昌化縣界一百二十里

西至江西浮梁縣界二百七十里

南至浙江遂安縣界一百里

北至甯國府太平縣界一百二十里

東南至浙江淳安縣界一百十里

西南至江西樂平縣界二百七十里

東北至甯國府甯國縣界一百五十里

西北至池州府石埭縣界一百六十里

東西距三百九十里 南北距二百二十里

轄縣六附郭為歙縣西六十里為休甯西南二百四十里為婺源

源西一百七十里為祁門西北一百四十里為黟縣東北六十

里為績溪

歙縣

東至金竹嶺浙江昌化縣界一百二十里

西至長充鋪休甯縣界三十七里

南至街口浙江淳安縣界一百里

北至湯嶺甯國府太平縣界一百二十里

東南至浙江遂安縣界一百七十里

西南至婺源縣界二百四十里

東北至界牌嶺績溪縣界三十五里

西北至池州府界三百九十里

東西距一百五十七里 南北距二百二十里

休甯縣

東至觀音堂歙縣界二十八里

西至界首鋪黟縣界四十里

南至江嶺浙江開化縣界一百二十里

北至韓嶺黟縣界六十里

東南至浙江遂安縣大夏界一百五十里

西南至木瓜坑婺源縣界七十里

東北至湖嶺歙縣界三十里

西北至鄧村黟縣界四十里

東西距六十八里 南北距一百八十里

婺源縣

東至大鱗嶺浙江開化縣界一百十里

西至洪冲坦江西樂平縣界一百二十里

南至銀港江西德興縣界三十五里

北至上汪休甯縣界一百五里

東南至黃瓜嶺江西德興縣界三十里

西南至周阮江西樂平縣界八十里

東北至德勝嶺休甯縣界一百二十二里

西北至巖嶺江西浮梁縣界九十五里

東西距二百三十里 南北距一百四十里

祁門縣

東至榔木嶺黟縣界五十里 江南通志作楠木嶺

西至櫟根嶺池州府貴池縣界一百二十里

南至倒湖江西浮梁縣界九十里

北至大洪嶺池州府石埭縣界五十里

東南至黃畚嶺休甯縣界六十里

西南至良禾嶺江西浮梁縣界一百二十里

東北至武嶺黟縣界四十里

西北至赤嶺池州府石埭縣界八十里

東西距一百七十里 南北距一百四十里

黟縣

東至藕坑口休甯縣界四十里

西至牛頭石祁門縣界二十五里

南至榔木嶺祁門縣界四十里

北至登塔橋甯國府太平縣界五十里

東南至牌嶺休甯縣界四十里

西南至陶嶺祁門縣界二十五里

東北至潘村休甯縣界四十里

西北至廂口甯國府太平縣界六十里

東西距六十五里 南北距九十里

績溪縣

東至浙溪田浙江昌化縣界七十里

西至界首鋪甯國府旌德縣界五十里

南至界牌嶺高唐鎮歙縣界二十五里

北至叢山關甯國府甯國縣界三十里

東南至梅阮嶺歙縣界三十里

西南至中溪村歙縣界十五里

東北至嶠嶺甯國府甯國縣界九十五里

西北至龍門下甯國府旌德縣界七十里

東西距一百二十里 南北距五十五里

甯國府

在省治東四百三十里由府治上至六十五里

京師二千七百四十五里至兩江總督治三百三十里

東至廣德州建平縣界六十里

西至池州府銅陵縣界一百六十里

南至徽州府績溪縣界二百十五里

北至太平府當塗縣界一百二十里

東南至浙江於潛縣界二百二十里

西南至池州府石埭縣界三百里

東北至江蘇高淳縣界七十里

西北至太平府繁昌縣界一百三十里

東西距二百二十里 南北距三百三十五里

轄縣六附郭為宣城南一百里為涇縣西九十里為南陵東南

九十里為甯國南二百二十里為旌德西南二百二十里為太平

宣城縣

東至花橋鋪廣德州建平縣界六十里

西至清弋江南陵縣界六十里

南至柿木鋪涇縣界六十里

北至黃池鎮河中太平府當塗縣界一百五里

東南至港口分界山甯國縣界六十里

西南至柿木鋪涇縣界五十里

東北至水碧橋江蘇高淳縣界七十里

西北至太平府蕪湖縣界七十里

東西距一百二十里南北距一百六十五里

涇縣

東至金牌嶺甯國縣界八十里

西至大城山池州府青陽縣界七十五里

南至承流山旌德縣界八十五里

北至裏衝分界山南陵縣界三十五里

東南至窄溪旌德縣界七十里

西南至麻口太平縣界九十里

東北至古樓鋪宣城縣界四十里

西北至南陵縣界四十里

東西距一百五十五里南北距一百二十里

南陵縣

東至清弋江宣城縣界三十里

西至牧家亭池州府銅陵縣界四十五里

南至社橋池州府青陽縣界七十五里

北至新店太平府繁昌縣界十五里

東南至分界山涇縣界二十五里

西南至麻黃山池州府青陽縣界七十里

東北至石碗河太平府蕪湖縣界八十里

西北至石岡山太平府繁昌縣界三里

東西距七十五里 南北距九十里

甯國縣

東至唐舍關浙江孝豐縣界一百三十里

西至丁溪涇縣界一百里

南至馬頭關浙江昌化縣界一百三十里

北至眾潯潭宣城縣界四十里

東南至浙江孝豐縣界一百里

西南至崇山關徽州府績溪縣界一百三十里

東北至廣德州建平縣界六十里

西北至將軍右山涇縣界九十里

東西距二百三十里 南北距一百七十里

旌德縣

東至嗣溪山甯國縣界四十里

西至黃華嶺太平縣界六十里

南至界首鋪徽州府績溪縣界二十里

北至窄溪涇縣界四十里

東南至徽州府績溪縣界三十里

西南至徽州府歙縣界八十里

東北至甯國縣界四十里

西北至太平縣界五十里

東西距一百里 南北距六十里

太平縣

東至黃華鋪旌德縣界三十里

西至長壽鄉凌灘頭河岸路口池州府石埭縣界六十里

南至道泰鄉箬嶺鋪徽州府歙縣界五十里

北至大隴山涇縣界六十里

東南至徽州府歙縣界七十五里

西南至徽州府黟縣界一百三十里

東北至涇縣界八十里

西北至池州府石埭縣界一百二十里  
東西距九十里 南北距一百十里

池州府

在省治東一百二十里由府治上至

京師二千八百里至兩江總督治四百七十里

東至甯國府南陵縣界一百五十里

西至江西彭澤縣界二百四十里

南至徽州府祁門縣界二百二十里

北至江口安慶府桐城縣界十五里

東南至甯國府太平縣界二百里

西南至江西鄱陽縣界三百二十里

東北至太平府繁昌縣界二百里

西北至安慶府懷甯縣界一百二十里

東西距三百九十里 南北距二百三十五里

轄縣六附郭為貴池東八十里為青陽東北一百二十里為銅陵東南一百六十里為石埭西南一百八十里為建德西一百八十里為東流

貴池縣

東至五溪橋青陽縣界五十五里

西至獅子橋東流縣界一百十五里

南至石埭縣界一百二十里

北至大江口安慶府桐城縣界十五里

東南至青陽縣界六十五里

西南至建德縣界一百二十里

東北至銅陵縣界八十里

西北至東流縣界一百里

東西距一百七十里 南北距一百三十五里

青陽縣

東至社橋甯國府南陵縣界六十五里

西至五溪界牌石貴池縣界二十五里

南至博山石埭縣界七十里

北至界山鋪銅陵縣界四十里

東南至甯國府涇縣界六十里

西南至貴池縣界四十里

東北至甯國府南陵縣界五十里

西北至貴池縣界十五里

東西距九十里 南北距一百十里

銅陵縣

東至九郎廟甯國府南陵縣界九十里

西至大江中廬州府無為州界二十里

南至趙嶺青陽縣界七十里

北至荻港鎮太平府繁昌縣界八十里

東南至甯國府南陵縣界八十里

西南至貴池縣界四十里

東北至太平府繁昌縣界八十里

西北至廬州府無為州界二十里

東西距一百十里 南北距一百五十里

石埭縣

東至石牌樓甯國府太平縣界五里

西至黃石嶺貴池縣界一百三十里

南至售口甯國府太平縣界三十里

北至九鳳嶺青陽縣界十五里

東南至甯國府太平縣界三十里

西南至徽州府祁門縣界一百三十里

東北至青陽縣界十五里

西北至青陽縣界八十里

東西距一百三十五里 南北距四十五里

建德縣

東至沈阮嶺貴池縣界六十里

西至嚴塘東流縣界二十里

南至石門江西鄱陽縣界一百二十里

北至古港東流縣界四十里

東南至江西浮梁縣界九十里

西南至江西彭澤縣界九十里

東北至東流縣界三十里

西北至東流縣界二十五里

東西距八十里 南北距一百六十里

東流縣

東至拂王鋪獅子橋貴池縣界七十里

西至雷港安慶府望江縣界四十里

南至青山江西彭澤縣界九十里

北至鴈汊大江安慶府懷甯縣界九十里

東南至建德縣界二十里

西南至江西彭澤縣界四十里

東北至安慶府懷甯縣界八十里

西北至安慶府潛山縣治二百里

東西距一百十里 南北距一百八十里

太平府

在省治東北四百九十里由府治上至

京師二千四百六十五里至兩江總督治一百四十里

東至石臼湖湖心江蘇溧水縣界八十里

西至大江和州界一十里

南至麻橋甯國府南陵縣界一百六十里

北至葛岡鋪江蘇江甯縣界五十里

東南至黃池甯國府宣城縣界一百十里

西南至黃濟池州府銅陵縣界一百六十里

東北至宣城塘江蘇溧水縣界八十里

西北至和州治九十里

東西距九十里 南北距二百一十里

轄縣三附郭為當塗西南六十里為蕪湖一百二十里為繁昌

當塗縣

東至石臼湖中江蘇溧水縣界八十里

西至大江中流和州界十里

南至大聖鋪蕪湖縣界三十里

北至慈湖葛岡鋪江蘇江甯縣界五十里

東南至黃池中甯國府宣城縣界八十里

西南至褐山蕪湖縣界四十里

東北至牛跡山廟北江蘇江甯縣界六十里

西北至慈姥磯東江蘇江甯縣界四十五里

東西距九十里 南北距八十里

蕪湖縣

東至黃池當塗縣界四十里

西至大江中流和州界七里

南至石碗河中流甯國府南陵縣界四十里

北至延福鄉當塗縣界三十里

東南至定江鋪甯國府宣城縣界八十里

西南至魯港繁昌縣界十五里

東北至霸塘圩當塗縣界三十里

西北至揭山當塗縣界二十五里  
東西距四十七里 南北距七十里

繁昌縣

東至石碇河東蕪湖縣界四十里  
西至荻港大江中流廬州府無為州界五十里  
南至麻橋甯國府南陵縣界二十五里  
北至漕港河中流蕪湖縣界五十里  
東南至馬仁渡甯國府南陵縣界四十里  
西南至黃澣河池州府銅陵縣界三十里  
東北至下峩橋蕪湖縣界三十里  
西北至舊縣夾州廬州府無為州界五十里  
東西距九十里 南北距七十五里

廬州府

在省治北四百六十里由府治上至  
京師二千四百六十里至兩江總督治五百里  
東至和州含山縣界一百九十里  
西至六安州界一百二十里  
南至安慶府桐城縣界二百四十里  
北至鳳陽府定遠縣界一百二十里  
東南至和州治三百里  
西南至湖北黃州府治八百里  
東北至滁州治二百八十里  
西北至鳳陽府壽州治一百八十里  
東西距三百一十里 南北距三百六十里

轄州一縣四附郭爲合肥南一百六十里爲廬江西南一百二十里爲舒城東南二百六十里爲無爲州東一百八十里爲巢縣

合肥縣

東至東山口巢縣界九十里  
西至王小店六安州界一百二十里  
南至舒王墩舒城縣界八十里  
北至麻埠橋鳳陽府定遠縣界一百三十里  
東南至巢縣界九十里  
西南至舒城縣界八十里  
東北至鳳陽府定遠縣界一百五十里  
西北至鳳陽府壽州界六十五里

東西距二百十里 南北距二百十里

廬江縣

東至石塘巢縣界八十里  
西至界牌舒城縣界四十里  
南至分水嶺安慶府桐城縣界五十里  
北至三河鎮合肥縣界七十里  
東南至高奇嶺安慶府桐城縣界六十里  
西南至葛家廟安慶府桐城縣界五十里  
東北至造河巢縣界七十里  
西北至中吳橋河合肥縣界七十里  
東西距一百二十里 南北距一百二十里

舒城縣

東至三河余家灣巢縣界六十里

西至界河六安州界二十五里

南至小關安慶府桐城縣界六十里

北至舒王墩合肥縣界四十里

東南至火砲山廬江縣界四十里

西南至駝嶺安慶府潛山縣界一百四十里

東北至梅林橋合肥縣界四十五里

西北至大界河六安州界二十五里

東西距八十五里·南北距一百里

無為州

東至大江中蠟磯山太平府蕪湖縣界一百二十五里

西至早河廬江縣界八十里

南至石灰河安慶府桐城縣界一百里

北至芙蓉嶺巢縣界五十里

東南至太平府繁昌縣治一百九十里

西南至安慶府桐城縣治一百七十里

東北至和州治一百四十里

西北至廬江縣界六十里

東西距二百五里 南北距一百五十里

巢縣

東至清溪和州含山縣界二十五里

西至巢湖中合肥廬江二縣界九十里

南至芙蓉嶺無為州界三十八里

北至東山口合肥縣界八十里

東南至無為州界三十五里

西南至廬江縣治一百五十里

東北至和州治一百二十里

西北至合肥縣治一百八十里

東西距一百十五里 南北距一百十八里

鳳陽府

在省治北六百七十里由府治上至

京師一千九百八十五里至兩江總督治五百五十里

東至泗州盱眙縣界一百八十里

西至潁州府潁上縣界二百四十八里

南至廬州府巢縣界一百五十里

北至江蘇蕭縣界三百二十三里

東南至滁州治二百二十里

西南至六安州界三百三十里

東北至江蘇睢甯縣界二百四十里

西北至河南歸德府治五百五十里

東西距四百二十八里 南北距四百七十三里

轄州二縣五附郭為鳳陽西北七十里為懷遠南九十里為定

遠西少南一百八十里為壽州壽州之北三十里為鳳臺西北

二百四十里為宿州北一百八十里為靈璧

鳳陽縣

東至泗州盱眙縣界六十里

西至陶家店懷遠縣界四十里

南至卸甲店定遠縣界五十里

北至濠岡鋪靈璧縣界七十里

東南至定遠縣界七十里

西南至壽州治一百八十里

東北至泗州五河縣界九十里

西北至懷遠縣治六十五里

東西距一百里 南北距一百二十里

懷遠縣

東至蚌埠鳳陽縣界三十里

西至寨頭鋪西潑村潁州府蒙城縣界九十里

南至黑河南陳家岡壽州界九十里

北至澥河中流宿州界七十里

東南至定遠縣治一百七十里

西南至鳳臺縣界七十里

東北至靈璧縣治一百八十里

西北至潁州府蒙城縣治一百四十里

東西距一百二十里 南北距一百六十里

定遠縣

東至岱山鋪滁州界七十里

西至北爐鎮壽州界九十里

南至高場鄉廬州府合肥縣界六十里

北至湛澗鋪舊臨淮縣界四十五里

東南至滁州全椒縣界七十里

西南至廬州府合肥縣界九十里

東北至泗州盱眙縣界七十里

西北至懷遠縣界九十里  
東西距一百六十里 南北距一百五里

壽州

東至州東門外鴨背鋪鳳臺縣界一里  
西至正陽鎮潁州府潁上霍邱二縣界六十里  
南至桑科廬州府合肥縣界一百三十里  
北至淮北下蔡鳳臺縣治三十里  
東南至廬州府合肥縣治一百八十里  
西南至潁州府霍邱縣治一百三十里  
東北至州北門外石馬店鳳臺縣界一里  
西北至潁州府潁上縣治一百三十里  
東西距六十里 南北距一百三十里

鳳臺縣

舊與壽州同城同治三年徙治下蔡各立疆界

東至陳家岡懷遠縣界五十里  
西至楊家腦潁州府潁上縣界六十里  
南至壽州治三十里  
北至界溝集潁州府蒙城縣界六十里  
東南至定遠縣界九十里  
西南至石馬店壽州界一里  
東北至懷遠縣界七十里  
西北至潁州府潁上縣治一百三十里  
東西距一百十里 南北距九十里

宿州

東至徐園鋪靈璧縣界六十里

西至新安鋪河南永城縣界二百里

南至淝河懷遠縣界八十里

北至胡辛莊江蘇蕭縣界九十里

東南至鳳陽縣界二百三十三里

西南至渦陽縣界一百十五里

東北至江蘇邳州治二百二十里

西北至河南永城縣治一百四十里

東西距一百六十里 南北距一百七十里

靈璧縣

東至長直溝泗州界三十里

西至葛家店宿州界六十里

南至淮河中流鳳陽縣界一百三十里

北至雙溝集黃河澤江蘇徐州府界一百三十里

東南至泗州五河縣界六十里

西南至懷遠縣治一百八十里

東北至江蘇睢甯縣治一百二十里

西北至江蘇徐州府治一百八十里

東西距九十里 南北距二百六十里

潁州府

在省治西北八百四十里由府治上至

京師一千八百二十里至兩江總督治七百二十里

東至鳳陽府壽州界一百六十五里

西至河南沈邱縣界一百二十里

南至河南固始縣界一百二十里

北至河南商邱縣界二百六十里

東南至六安州界二百八十里

西南至河南汝甯府界一百二十里

東北至宿州界二百六十里

西北至河南鹿邑縣治一百五十里

東西距二百八十五里 南北距三百八十里

舊轄州一縣五新設縣一附郭爲阜陽東南一百二十里爲潁

上一百八十里爲霍邱北一百二十里爲亳州一百八十里爲

渦陽二十五里爲太和東北一百八十里爲蒙城

阜陽縣

東至彝陵溝潁上縣界六十里

西至鯛陽城鋪河南汝陽縣界一百十里

南至朱皋鎮河南固始縣界九十里

北至魚港鋪亳州界一百里

東南至霍邱縣治一百九十里

西南至河南新蔡縣界二百里

東北至開荒劉家集渦陽縣界一百二十里

西北至太和縣治一百九十里

東西距二百七十里 南北距一百九十里

潁上縣

東至劉家樓鳳陽府壽州界四十五里

西至六十里鋪阜陽縣界六十里

南至廟臺集過淮接霍邱縣界二十五里

北至江北店阜陽縣及鳳陽府壽州界八十里

東南至鳳陽府壽州界七十里

西南至河南固始縣界五十里

東北至鳳陽府壽州界五十里

西北至阜陽縣界五十里

東西距一百五里 南北距一百五里

霍邱縣

東至隱賢集大河中流鳳陽府壽州界七十里

西至芙蓉山嶺河南固始縣界九十里

南至三尖山嶺六安州界一百八十里

北至廟臺淮河中流潁上縣界四十五里

東南至六安州界一百八十里

西南至河南固始縣界一百六十里

東北至鳳陽府壽州界五十里

西北至阜陽縣界九十里

東西距一百六十里 南北距二百二十五里

亳州

東至沙土集迤東渦陽縣界五十五里

西至太清宮河南鹿邑縣界四十里

南至肥河集太和縣界七十五里

北至土牆村河南商邱縣界五十里

東南至高公廟阜陽縣界一百二十里

西南至梅成集太和縣界四十里

東北至永清集河南永城縣界四十里

西北至孫家店河南鹿邑縣界五十里

東西距九十五里 南北距一百二十五里

渦陽縣 新設

東至白洋溝蒙城縣界四十里 至蒙城縣治九十里

西至乾溪溝亳州界四十四里 至亳州治一百十里

南至王市集淝河阜陽縣界八十里 至阜陽縣治一百八十里

北至石弓山泡河鳳陽府宿州界七十里 至河南永城縣治一百十里

東南至鳳陽府鳳臺縣治二百四十里

西南至潁州府治一百八十里

東北至宿州治一百八十里

西北至河南夏邑縣一百五十里

東西距八十四里 南北距一百五十里

太和縣

東至七里溝阜陽縣界八十里

西至界首集河南沈邱縣界七十里

南至界牌集阜陽縣界二十五里

北至淝河口亳州界九十里

東南至潁州治七十里

西南至河南新蔡縣治一百八十里

東北至河南永城縣界三百里

西北至河南鹿邑縣治一百七十里

東西距一百五十里 南北距一百十五里

蒙城縣

東至界溝集鳳陽府懷遠縣界六十里

西至西陽集東田家溝渦陽縣界四十九里

南至界溝鋪鳳陽府鳳臺縣界九十里  
北至檀城集鳳陽府宿州界四十五里  
東南至鳳陽府鳳臺縣界九十里  
西南至董家集渦陽縣界七十里  
東北至趙家集鳳陽府宿州界五十里  
西北至北界溝渦陽縣界四十三里  
東西距一百九里 南北距一百三十五里

滁州

在省治東北六百五十里由州治上至  
京師二千二百五里至兩江總督治二百二十里  
東至義井鋪江蘇六合縣界七十里  
西至九里臺鳳陽府定遠縣界七十里

南至仁義鋪全椒縣界二十五里  
北至王店泗州盱眙縣界一百三十里  
東南至西葛城鋪江蘇江浦縣界五十里  
西南至盈山廬州府合肥縣界一百八十里  
東北至三山泗州天長盱眙二縣界一百五十里  
西北至大山嶺鳳陽府定遠縣界七十里  
東西距一百四十里 南北距一百五十五里  
轄縣二州南五十里爲全椒東北四十里爲來安  
全椒縣  
東至界首江蘇江浦縣界二十里  
西至沙河廬州府合肥縣界九十里  
南至後河中流和州界三十里

北至清塘本州界二十五里

東南至义河江蘇江浦縣界二十里

西南至再安寺和州含山縣界六十里

東北至仁義鋪本州界二十五里

西北至界牌鳳陽府定遠縣界九十里

東西距一百十里 南北距五十五里

來安縣

東至界橋江蘇六合縣界三十五里

西至嘉山泗州盱眙縣界五十里

南至三义河江蘇江浦縣界六十里

北至長店集泗州盱眙縣界七十里

東南至江蘇六合縣治九十里

西南至本州治四十里

東北至泗州天長縣治二百二十里

西北至泗州盱眙縣治一百五十里

東西距八十五里 南北距一百三十里

和州

在省治東北四百六十里由州治上至

京師二千二百八十里至兩江總督治一百二十里

東至江蘇江浦縣界六十里

西至含山縣界三十里

南至廬州府無為州界九十里

北至滁州全椒縣界七十五里

東南至太平府當塗縣界六十里

西南至廬州府無為州治一百五十里

東北至江蘇江浦縣治一百里

西北至廬州府合肥縣治二百八十里

東西距九十里 南北距一百六十五里

轄縣一州西六十里含山

含山縣

東至司基橋本州界三十里

西至界首鋪廬州府巢縣界四十里

南至新澗圩廬州府無為州界八十里

北至後河本州界六十里

東南至太平府界一百二十里

西南至廬州府無為州界一百二十里

東北至江蘇江浦縣界一百六十里

西北至廬州府界一百九十里

東西距七十里 南北距一百四十里

廣德州

在省治東六百二十五里由州治上至

京師二千七百八十里至兩江總督治五百里

東至木牌界浙江長興縣界三十里

西至分界山建平縣界六十里

南至楓樹嶺甯國府甯國縣界九十里

北至鐵冶嶺江蘇溧陽縣界七十里

東南至苦嶺關浙江孝豐縣界七十里

西南至常洪關甯國府甯國縣界九十里

東北至分界山江蘇荆溪縣界七十里

西北至白茅嶺建平縣界五十里

東西距九十里 南北距一百六十里

轄縣一州西九十里建平

建平縣

東至白茅嶺本州界四十五里

西至南碭湖中甯國府宣城縣界五十里

南至鴉山堡唐泥嶺甯國府甯國宣城二縣界九十里

北至定埠鎮江蘇高淳縣界四十五里

東南至本州界四十里

西南至甯國府宣城縣界六十里

東北至江蘇溧陽縣界五十里

西北至江蘇高淳縣界四十里

東西距九十五里 南北距一百三十五里

六安州

在省治西北四百四十里由州治上至

京師二千九百五十里至兩江總督治四百四十里

東至李陵山廬州府合肥縣界五十里

西至潁州府霍邱縣界七十里

南至霍山縣界六十里

北至謝埠鳳陽府壽州界五十里

東南至界河廬州府舒城縣界一百里

西南至水東砦河南商城縣界二百里

東北至廬州府合肥縣界六十里

西北至潁州府霍邱縣界一百四十里

東西距一百二十里 南北距一百十里

轄縣二州西南三百六十里為英山九十里為霍山

英山縣

東至隘口嶺安慶府太湖縣界三十五里

西至落黎河湖北羅田縣界十五里

南至雞兒河湖北蘄水縣界四十里

北至分水中界嶺霍山縣界一百二十里

東南至安慶府太湖縣界五十里

西南至湖北蘄水縣界四十里

東北至潁州府霍邱縣界一百三十里

西北至湖北羅田縣治一百里

東西距五十里 南北距一百六十里

霍山縣

東至山王河本州界四十里

西至瓮門關湖北羅田縣界一百八十里

南至界嶺安慶府潛山縣界一百八十里

北至小七畝本州界二十五里

東南至郎當嶺廬州府舒城縣界一百十里

西南至太陽山安慶府太湖縣界一百四十里

東北至三尖鋪本州界三十里

西北至黃氏河河南商城縣界一百八十里

東西距二百二十里 南北距二百五十里

泗州

在省治東北八百八十里由州治上至

京師二千一百九十九里至兩江總督治八百八十里

東至老子山江蘇清河縣界一百七十里

西至鳳陽府靈璧縣界四十里

南至季家莊五河縣界三十里

北至湖山莊江蘇睢甯縣界六十里

東南至淮河盱眙縣界一百六十里

西南至真家集鳳陽衛界七十里

東北至烏鴉嶺江蘇宿遷縣界一百里

西北至板橋江蘇宿遷縣界七十里

東西距二百一十里 南北距九十里

轄縣三州南一百里為盱眙東南一百五十七里為天長西一

百三十里為五河

盱眙縣

東至蔣家集天長縣界九十里

西至愛棠集鳳陽府鳳陽縣界一百二十里

南至白來橋滁州來安縣界六十里

北一里至淮河中分本州界五里

東南至天長縣界六十里

西南至鳳陽府定遠縣界一百三十里

東北至江蘇清河縣界六十里

西北至五河縣界一百二十里

東西距二百十里 南北距六十五里

天長縣

東至泰欄鎮江蘇江都縣界四十五里

西至汭澗鎮盱眙縣界四十五里

南至瓜埠鋪江蘇六合縣界四十五里

北至銅城鎮江蘇寶應縣界四十五里

東南至江蘇儀徵縣界四十里

西南至滁州來安縣界六十里

東北至江蘇高郵州界五十里

西北至盱眙縣治一百二十里

東西距九十里 南北距九十里

五河縣

東至浮山潼河口本州界三十里

西至韋里堡鳳陽府靈璧縣界四十里

南至浮橋鳳陽府鳳陽縣界七十里

北至界溝集本州界四十里

東南至峽石村鳳陽府鳳陽縣界二十里

西南至王莊驛鳳陽府鳳陽縣界九十里

東北至歷站本州界二十里

西北至本州界二十里

東西距七十里 南北距一百十里

重修安徽通志卷十六

輿地志

形勢

天下有無形之形勢所謂在德不在險也有有形之形勢所謂設險以守其國也舊志言安徽介吳楚之交為上游重鎮自潯陽下趨采石長江天塹類皆昔人巡防控扼之區渦口堰城尤稱淮服屏蔽昭關破石箬嶺叢關亦捍衛之所依為重阻大較蓋可識矣然舊志所列形勢悉錄江南通志疆域篇內之所附著而江南通志又實沿襲明統志之文今仍之而節取顧祖禹說補錄於後備泝泝統之術焉欽惟我

皇上聖德同天暢垓滌埏肅清東南金湯鞏固不僅恃乎有形之形勢矣若志地形謹隄塞則有司存述輿地志形勢

安慶府

南濱大江北界清淮宋史地理志淮服之屏蔽江界之要衝宋朱綽壁記

其山深秀而穎厚其川迤邐而蕩潏同安志後序九江之北三

楚之南明統志潛山賦以上舊志

其地上控淮肥山深水衍戰守之資也大江合九江鄱陽之水

東北經流府城東西南三面而小孤山舊為大江控扼處屹峙

江北岸與南岸山對峙如門江水至此扼東而出其下深險可

畏小孤者安慶之門戶安慶者金陵之門戶也顧祖禹讀史方輿紀要

安徽一省跨乎大江江以北四府四州江以南四府一州安慶

府城處濱江適中之地實為形勢所必爭在昔季漢為吳魏要

地唐宋元明悉藉為重鎮長江水師奏稿并部議以上新編

徽州府

郡在山嶺川谷崎嶇之中宋王安石石渠碑山峭厲而水清激宋朱子新安道院記

峯巒掩映狀若雲屏實百城之襟帶也宋晏殊類要烏道縈紆宋羅願新安縣志

山川幽奇宋王象之輿地紀勝州在萬山中視他郡為最高元程文臨溪石橋記

東有大鄣之固西有浙嶺之塞南有江灘之險北有黃山之隘

即山為城因溪為隍明羅倫徽州府城記地險陞土駢剛府志以上舊志

厚金陵之鎖鑰控江浙之要領山川險阻襟帶百城東涉浙江

灘險三百有六十西通彭蠡灘險八十有四嶺之危有五搖足

而定饒信運肘而懾杭嚴且土沃民殷資儲可給控馭江南浙

江江西三方戰守足恃讀史方輿紀要新編

甯國府

宣城阻山帶川晉書桓彝傳阻以重山緣以大江唐陳簡甫開元以來良吏記土

控吳越州連歙池唐白居易詩作藩南夏據吳上游陳勢大甯塔記以上舊志

又引南唐韓熙載宣州新城記云宣州扼天下之咽喉作關東之襟帶其全文見甯國府志今不取

### 池州府

依貴池之美據石城之固唐裴度池州廳壁記九峯競秀神采奇異唐劉禹錫

九華山浸以秋浦鎮以齊山南唐徐鉉江山千里襟帶六朝宋

會州清溪南來九華東引宋沈約中俯瞰大江仰倚崇嶠宋

襟帶江山控扼肥皖居金陵之上游當江濱之孔道或自鄱陽

而北出或自淮南而南指可舟可徒郡亦設險之所也宋下江

南以戰艦先取其池州而後步騎從采石南渡金陵屏藩豈惟

安慶為要地哉讀史方輿紀要

### 太平府

讀史方輿紀要

龍山南指牛渚北臨陳書宣帝詔牛渚天門近對歷陽裕溪柵江遠

通濡須宋吳淵江東道院賦左天門右牛渚鐵甕直其東石頭枕其北宋洪

遵壁采石之險甲於東南姑孰志序江山之勝天下之奇處宋曾鞏

造記以上舊志

控扼江山密邇金陵自上游來者則梁山當其要害自橫江渡

者則采石扼其咽喉金陵有事姑孰為必爭之地比京口歷陽

為尤切地勢然也王應麟曰太平江津之要害也讀史方輿紀要

### 廬州府

合肥受南北潮皮革鮑木輸會也史記貨殖傳南臨江湖北達壽春

三國志淮西重鎮宋鄭龍眠蟠其前紫金跨其北曹明之淮右

襟喉之地江北視為唇齒舊志引鄭集文今按明腹巢湖控渦

頽膺濡須枕潛皖宋韓元吉濡水上源淮江津要太平寰宇記

廬州府為淮右襟喉江南唇齒自大江而北出得合肥則可以西問申蔡北向徐壽而爭勝於中原中原得合肥則扼江南之吭而附其背矣三國時吳人嘗力爭之曾不能得淮南尺寸地以合肥為魏守也南北朝時合肥嘗為重鎮淮西有事必爭合肥隋欲圖陳先以韓擒虎為廬州總管其後出橫江渡采石金陵在掌中矣唐初廬州屢為盜賊所窺伺及乾符時廬州實為戰守之衝楊行密創緒於此遂克並有淮南南唐失淮南惟廬州最後下宋南渡以後廬州尤為要地拒戰於此為淮西根本嘉熙之季杜杲猶力守廬州屢挫敵兵豈非形勝所在哉讀史方輿

紀要

鳳陽府

背渦口之曲流望馬邱之高溢魏王粲浮淮賦建鄴肩髀隋書淮海內屏

東南樞轄唐羅珣德政碑長淮引桐柏之源橫其北石梁會眾水之流

環其西宋連南夫修城記阻淮帶山為淮南之險元史地理志以上舊志

壽春淮南一都之會地方千里有陂田之饒南齊書州郡志

鳳陽府西連汝潁東通楚泗為建業之肩背中原之腰脊春秋時吳人觀兵於淮上遂能爭長中原及越滅吳而不能正江淮地楚東侵諸侯地至泗上蓋楚之後亡由於有淮泗也自秦以後東南多故起於淮泗間者為天下雄南北朝時鍾離常為重鎮豈非以據淮之中形勢便利阻水帶山戰守有資乎陳失淮南而江邊卑小矣後魏邢巒曰鍾離天險蓋以控扼淮濱防守要重也又長淮南北土廣田良從來有事江淮者耕屯其并兼之本與讀史方輿紀要新增

宿州西翼梁宋北控邳徐南襟濠壽東限淮泗舟車要會戰守

所資也唐建中四年李泌言東南漕運自淮達汴徐之埔橋為

江淮汴口五代梁乾化四年徐州附於吳而宿州中梗徐州復

入於梁州在滁泗之間豈非襟喉之所與讀史方輿紀要新增

壽州控扼淮潁襟帶江沱為西北之要樞東南之屏蔽自魏晉

用兵與江東爭雄長未嘗不先事壽春及晉遷江左而壽春之

勢益重南北朝時壽春皆為重鎮隋欲并陳亦先屯重兵於此

唐時江淮有變必以壽春為襟帶五代楊吳南唐壽州之防尤

重宋室南渡亦首推壽州為雄郡蓋淮西建康之屏蔽壽春又

淮西之本源也讀史方輿紀要新增

潁州府

襟帶長淮控扼陳蔡風土記東連三吳南引荆汝晉伏滔正淮論梁宋吳

楚之衝齊魯汴洛之道梁陶宏景信州記平原曠野土壤沃饒為舟車

四達之區無岡巒盤結之勢江南舊通志豫在九州之中其風土常

逸也文獻通考以上舊志

潁州東蔽濠壽西出陳許不惟可固淮服之藩籬實恃以通中

原之聲氣且川澤流通田疇沃衍耕屯於此兵食可以交足讀史方輿紀要新增

亳州走汴宋之郊拊潁壽之背南北分疆此亦爭衡之所也宋

南渡以後亳州為敵守而汴宋竟不可復蓋襟要做關州在豫

徐揚三州間固不獨一隅之利害而已讀史方輿紀要新增

滁州

環滁皆山宋歐陽修醉翁亭記山高水清歐陽修豐樂亭記淮北勝地宋呂元中紫微泉記

清淮灌其北烏江蕩其南宋林希逸白鶴觀記羣峯環於西南清溪注於

東北形勢深秀慶歷前集跋清流雄峙夙號嚴關上州志以

滁州山川環繞江淮之間號為勝地北出鍾離則震徐泗西趨  
合肥則圖汝潁南下歷陽東收六合則建業之肩背舉矣五代  
周克滁州遂兼有淮南非已然之明驗哉讀史方輿紀要 新增

和州

鎮曰梁山浸曰歷湖瀕江畫中流為水疆唐劉禹錫廳壁記

含山為內險之地當江淮水陸之衝故銳師宿將嘗屯營於此

明統志引宋郭祥正含山縣記

和州為姑孰金陵藩蔽宋史地理志左挾長江右控昭關瓦梁峙其

南濠梁環其北州志以上舊志以

和州淮南要衝江表藩蔽渡橫江而出采石濟滁口而向金陵  
則長江不為固矣西指昭關而動廬壽北趨涂中而薄濠泗則  
兩淮風靡也自古東南以歷陽為襟要而有事江南者由壽春

歷陽來者十之七由橫江采石渡者十之二蓋歷陽為建康姑  
孰之門戶也讀史方輿紀要 新增

廣德州

吳之西疆故彰之區宋曾鞏鼓角樓記靈山泉石甲於一郡明舊志三峯

拱其前清流枕其後桐汭志山之鎮曰橫山水之大曰桐川南畿

四州廣德為大南畿志夾水為城負水置郡郡志以上舊志以

山谷盤紆襟帶吳越春秋時楚與吳爭逐於此自後東南有事

州嘗為控扼之所讀史方輿紀要 新增

六安州

東有龍穴西有武陟霍嶽鎮乎南泚水一作沙河縈其北萬山

疊嶂一作磅遠控荆湘千里平途直達梁宋實金陵之屏障英霍

之本原一作廬州之喉舌淮西之要地舊志

山川環結號為險阨自州之西北以迄於東北皆崇山峻嶺肘腋光蔡襟帶蘄黃昔人謂申光蔡為天下樞而六安又申光蔡之根柢也

讀史方輿紀要 新增

泗州

北枕清口南帶濠梁東達維揚西通宿壽江淮險阨徐邳要衝

水陸都會之地

晉伏滔北征記

四達之州

東南之門戶中原

之要會上

州志 以舊志

北接中原南通江淮梁宋吳楚之衝齊魯汴洛之道

泗州志引

自秦漢之季迄於南北朝江淮有事先爭泗上唐天寶初改曰

臨淮郡李吉甫曰臨淮者汴泗之衝舟車之會為必守之地王

應麟曰取泗州間道可直走建康謂自天長而南也蓋泗州者

全淮之門戶而天長又建康之襟喉

讀史方輿紀要 新增

全錄入西河天規又書以歸...

